



Broj: 10-33-2-1577-19/18
Sarajevo, 13.07.2018. godine

Na osnovu člana 3. stav (1) i člana 9. stav (4) Zakona o službi u OS BiH („Službeni glasnik BiH“ broj:88/05, 53/07, 59/09, 74/10, 41/16, 42/12 i 38/18), a u skladu sa odredbama 2., 20., 21., 22., 23., 24., 25., 26. i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata/kinje za školovanje na vojnim akademijama u inostranstvu, Ministarstvo odbrane Bosne i Hercegovine raspisuje,

I N T E R N I K O N K U R S
za školovanje kadeta na Vojnoj akademiji Oružanih snaga Savezne Republike Njemačke, za školsku 2018/2019. godinu

I – PREDMET KONKURSA

Ministarstvo odbrane Bosne i Hercegovine raspisuje interni konkurs za školovanje 3 (tri) kadeta na Vojnoj akademiji u Saveznoj Republici Njemačkoj, za školsku 2018/2019. godinu, i to na smjerove:

1. Tehnička služba-održavanje - 1 kadet;
2. Vojna policija 1 kadet;
3. Inženjerija 1 kadet.

II – USLOVI KONKURSA

1. **Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12, 41/16 i 38/18") :
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama,
 - c) da nije osuđivan na bezuslovnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).
2. **Posebni uslovi:**
 - a) završena srednja škola IV stepen,
 - b) da je postigao/la ukupan uspjeh tokom školovanja najmanje vrlo dobar (kandidati/kinje sa prosjekom ocjena odličan će imati prednost ako dva ili više kandidata/kinje imaju jednak ukupan broj bodova),
 - c) da nije mlađi/a od 18 i stariji/a **od 28 godine** na dan 31.12.2018. godine,
 - d) **poznavanje njemačkog jezika** (nivo A-2), koje će biti testirano u Kasarni Rajlovac,
 - e) poznavanje rada na računaru (Word, Excel, Power Point, Internet),

f) da je prosjek ocjena iz matematike najmanje dobar,

g) Fizička spremnost:

kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

Napomena: Na ovaj konkurs mogu se prijaviti samo vojnici i podoficiri iz OS BiH. Kandidati/kinje prijavljeni na Interni konkurs biće testirani iz: **poznavanja njemačkog jezika**, test općeg znanja, fizičke spremnosti i sa njima će na kraju biti obavljen intervju. Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine, kao i obavezno polaganje psiho testa, koje će biti organizovano od strane psihologa OS BiH.

Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranje i provjere.

III – ŠKOLOVANJE, PRAVA I OBAVEZE

1. Školovanje kadeta na Vojnoj akademiji Oružanih snaga Savezne Republike Njemačke traje 4 (četiri) godine. Na prvoj godini kadet će usavršavati njemački jezik.

2. Sa kadetom koji bude odabran za školovanje bit će raskinut Ugovor o profesionalnoj vojnoj službi, a zatim bit će sklopljen Ugovor o školovanju sa međusobnim pravima i obavezama u skladu sa važećim propisima. Odabrani kandidat/kinja imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10, 42/12, 41/16 i 38/18) i **članom 29. Zakona o platama i naknadama u institucijama Bosne i Hercegovine** („Službeni glasnik BiH“, broj: 50/08, 35/09, 75/09, 32/12 i 42/12).

3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.

4. Međusobne obaveze kandidata/kinja izabranog/ne za školovanje na Vojnoj akademiji Oružanih snaga Savezne Republike Njemačke i Ministarstva odbrane Bosne i Hercegovine regulišu se Ugovorom o školovanju.

5. Za vrijeme školovanja kadetima su osigurani smještaj i ishrana u internatu Vojne akademije.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na službenoj internet stranici Ministarstva odbrane Bosne i Hercegovine www.mod.gov.ba),
Napomena: ukoliko kandidat/kinja aplicira na više smjerova, u prijavnom
- b) obrascu obavezno navesti redosljed smjerova po prioritetu, na koje aplicira.
- c) Ovjerene kopije svjedochanstava svih razreda srednje škole,
- d) Ovjerena kopija diplome četverogodišnje srednje škole,

- e) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,
- f) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- g) Uvjerenje o nevođenju krivičnog postupka, ne starije od 3 (tri) mjeseca,
- h) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- i) Prijava prebivališta CIPS-a ne starija od 6 (šest) mjeseci,
- j) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- k) Saglasnost za obradu biografskih podataka/informacija za potrebe procesa konkurisanja na vojne akademije (isključivo po obrascu ponuđenom na www.mod.gov.ba).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine.

VI PRIJAVA NA INTERNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Interni konkurs za školovanje kadeta u SR Njemačkoj“

Konkurs ostaje otvoren 8 (osam) dana od dana objavljivanja. Ispunjavanje uslova utvrđenih ovim Internim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Internog konkursa, kao i kopije tražene dokumentacije koje nisu ovjerene, neće se uzimati u razmatranje.

MINISTRICA

Marina Pendeš